



## НУҚТАИ НАЗАР

# ЁШЛАР ВА САЙЛОВ

Сайлов – мамлакатнинг сиёсий-ижтимоий ҳаётидаги энг муҳим сиёсий жараён. Унда аҳоли, айниқса, ёшларнинг фаол иштироки мамлакатнинг келажак тараққиётини белгиловчи юксак мезон саналади. Зеро, жамиятдаги сиёсий-ижтимоий фаоллик демократик ислохотларни чуқурлаштириш, очиқлик, ошқораликни таъминлаш ва барқарор ривожланишга эришишнинг асосидир. Шу боис, тараққиётнинг юксак чўққиларини кўзлаган ҳар бир давлат эртанги кун эгаларининг бу жараёндаги ташаббусларини қўллаб-қувватлаш, интилишларини рўёбга чиқариш, фаоллигини оширишга алоҳида эътибор қаратади.

▶ Давоми 2-бетда



## 2023 O'ZBEKISTON RESPUBLIKASI PREZIDENTI SAYLOVI

### 9-IYUL

Газетамизнинг бугунги сонида Ўзбекистон “Адолат” социал-демократик партиясидан Ўзбекистон Республикаси Президентлигига номзод Робохон Махмудованинг сайловолди ташвиқоти бўйича мақола чоп этилмоқда. Мазкур мақола Ўзбекистон Республикаси Президентлигига номзодларга сайловолди ташвиқоти учун ажратилган бепул нашр майдони доирасида эълон қилинмоқда.

▶ 3-бетга қаранг.

## МУНОСАБАТ

# ФАРОВОНЛИК ҲОЛАТИГА ЭРИШИШ ҲАМ РУХ, ҲАМ ТАНА ҚУВВАТИНИ АСРАШ ИМКОНИНИ БЕРАДИ

Инсон саломатлиги долзарб муаммолардан бирига айланиб бораётган бугунги даврда руҳий барқарорликни таъминлашга хизмат қиладиган ҳаётий қадрият ва йўналишларни шакллантириш долзарб вазирадир. Зеро, руҳий мувозанатга эришиш ҳам рух, ҳам тана саломатлигини асраш имконини беради.

“Аҳолининг руҳий саломатлигини муҳофаза қилиш хизматини янада ривожлантириш чора-тадбирлари тўғрисида”ги Президент қарори бу борада ўз вақтида қабул қилинган билан аҳамиятлидир. Ушбу ҳужжат билан аҳоли руҳий саломатлигини

муҳофаза қилиш хизматини тўдан такомиллаштириш юзасидан ихтисослаштирилган психиатрия ва наркологиya ердами курсатишининг ягона вертикал бошқарув тизимини жорий этиш белгиланди.

▶ Давоми 2-бетда

## ҚАРОР ВА ИЖРО

# Рақамли ирригация ОММАЛАШАЁТГАН ТАЖРИБА

Шербек Рустамов ўн йилдирки далада меҳнат қилади. “Холиқов Сардор Сайдалиевич” фермер хўжалиги ташкил этиб, иш бошлаганидан буён Миришкор туманида илғорликни қўлдан бергани йўқ. Бу йил ҳам 50 гектар майдонга ғалла экиб, шартномавий режани ортиги билан бажарди. 44 гектарга экилган пахта аллақачон гулга кирган.



Доимо янгиликка интилиб ишлашни ўрганган Шербек ака қишлоқ хўжалиги маҳсулотларини етиштиришда ўтган йилдан бошлаб томчилатиб сугоришдан фойдаланишни ўз даласида қўлади. Натижа анча яхшилигини амалда кўргач, бу усулдан жорий йил ҳам фойдаланишни мақсад қилиб, ишни бошлаб юборди.

— Ўтган йили банкдан 575 миллион сўм имтиёзли кредит ҳамда давлатдан 92 миллион сўмлик субсидия берилиши натижасида 23 гектар пахта майдонига томчилатиб сугориш технологиясини ўрнатганим, — дейди Шербек Рустамов. — Натижа биз кутганимиздан ҳам анча яхши бўлди. Вақт ҳам, маблаг ҳам тежалишини англадик. Шу сабаб, жорий йилда пахта даламизга янада кўпроқ томчилатиб сугоришни ташкил қилишни режалаштиряпмиз. Фермер томчилатиб сугориш усули орқали ўтган йили пахта ҳосилидан яхшигина даромад топди. Бу йил

экан 44 гектар пахтасининг деярли саксон фоизини томчилатиш усулида сугоришни йўлга қўймоқда. Ҳозирданок ҳеч иккиланмасдан пахта шартномавий режасини ортиги билан бажаришини таъкидлапти. Ҳосил унумдорлиги учун бу яхши усул эканини кўшни фермерларга ҳам тавсия этиб келмоқда.

Кейинги йилларда глобал муаммага айланиб бораётган сув танқислиги дунёнинг кўпгина давлатларида қайд этилаётгани сир эмас. Бу эса бевосита сувни тежаш, ундан унумли фойдаланишни талаб этмоқда. Шу боис, сўнгги йилларда, айниқса, қишлоқ хўжалиги маҳсулотларини етиштириш учун сув тежовчи технологиялар амалиётга кириб келди. Натижада томчилатиб, ёмғирлатиб сугориш, лазерли текислаш каби самарали усуллардан фойдаланиш бошлаб юборилди.

▶ Давоми 2-бетда

## ХАЛҚАРО АНЖУМАН

# ТАЪЛИМДАГИ ЯНГИЛАНИШЛАР ЮКСАЛИШ ЙЎЛИДАГИ МАРРАЛАРГА ЕТАКЛАМОҚДА



Шу кунларда пойтахтимизда “Янги Ўзбекистон: тараққиёт, инновация ва маърифат” мавзусида халқаро шериклик ташаббуслари ҳафталиги бўлиб ўтмоқда. Ҳафталик доирасида ташкил этилган “Ўзбекистон – соғлом ва билимли жамият” халқаро конференцияси мамлакатимизда инсон капитали, унинг шаклланиши ва ривожланишида таълим-тарбиянинг ўрни мавзусига бағишланди. Анжуманда таълим тизимини ислоҳ қилишнинг замонавий тенденциялари, жаҳон тажрибасини ўрганган ҳолда уларни амалиётга татбиқ этиш ва унинг самараси борасида фикр алмашилди. Кенг жамоатчилик юртимизда таълим, илм-фан соҳасида кечаётган ислохотлар билан таништирилди.

▶ Давоми 5-бетда



## ҲАМКОРЛИК

# САМАРАДОРЛИК, ЎЗАРО БИР-БИРИНИ ТУШУНИШ ВА АМАЛИЙ САЪЙ-ҲАРАКАТЛАР НАМОЙИШИ

Жорий йил 4 июль кuni Ҳиндистон раислигида ШХТга аъзо давлатлар раҳбарлари кенгашининг видеоанжуман шаклидаги навбатдаги мажлиси бўлиб ўтди. Мажлисида минтақавий ва халқаро аҳамиятга молик долзарб масалалар юзасидан фикр алмашилди, кўп қиррали ва ўзаро манфаатли ҳамкорликни янада кенгайтириш истиқболлари муҳокама қилинди.

Шу ўринда ШХТ ўзининг 22 йиллик фаолияти давомида минтақавий масалаларни ҳал қилишда улкан муваффақиятларга эришганини таъкидлаш керак. Қайд этиш жоизки, ШХТни ташкил этиш тўғрисидаги Декларацияга мувофиқ, Ташкилот бошқа давлатлар ва минтақаларга қарши қаратилган иттифоқ эмас.

У очиқлик тамойилига амал қилади. ШХТ бошқа давлатлар, халқаро ва минтақавий ташкилотлар билан руҳидаги мулоқот ҳамда ҳамкорликни ривожлантиришга тайёр бўлиб, мана шу тамойил уни халқаро муносабатларда нуфузли тузилмага айлантирди.

Шу билан бирга, Ташкилот аъзолари ўртасида тенг ҳуқуқли ҳамкорлик ўрнатилган. Бу эса ШХТ жозибадорлигини янада оширмоқда. Унга аъзо ва кузатувчи мамлакатлар, мулоқот бўйича ҳамкор давлатлар сони кўпайиб, Ташкилотта ишонч ортмоқда.

▶ Давоми 4-бетда











